



18 Ogos 2014
18 August 2014
P.U. (B) 368

WARTA KERAJAAN PERSEKUTUAN

FEDERAL GOVERNMENT GAZETTE

NOTIS PEMULAAAN PENYIASATAN BAGI PENENTUAN
LANGKAH PERLINDUNGAN MENGENAI KELUARAN
PLAT GULUNGAN PANAS YANG DIIMPORT
KE DALAM MALAYSIA

*NOTICE OF INITIATION OF INVESTIGATION FOR THE
DETERMINATION OF SAFEGUARD MEASURE WITH
REGARD TO HOT ROLLED PLATES PRODUCTS
IMPORTED INTO MALAYSIA*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PELINDUNG 2006

NOTIS PEMULAAAN PENYIASATAN BAGI PENENTUAN LANGKAH PERLINDUNGAN
MENGENAI KELUARAN PLAT GULUNGAN PANAS YANG DIIMPORT KE DALAM
MALAYSIA

(SM 01/14)

MENURUT subseksyen 14(1) Akta Pelindung 2006 [*Akta 657*] dan peraturan 3 Peraturan-Peraturan Pelindung 2007 [*P.U. (A) 386/2007*], Kerajaan Malaysia telah menerima suatu petisyen yang meminta supaya suatu penyiasatan perlindungan dimulakan dan petisyen itu telah mengatakan bahawa peningkatan import keluaran plat keluli gulungan panas besi atau keluli bukan aloi dan keluli aloi yang lain, yang mempunyai kelebaran 600 milimeter atau lebih, digulung panas, tidak diliputi, disadur atau disalut, yang mempunyai ketebalan antara 6 milimeter hingga 75 milimeter (“keluaran itu”) telah menyebabkan kemudaratan yang serius kepada industri dalam negeri di Malaysia yang mengeluarkan keluaran yang serupa. Penyiasatan ini secara spesifiknya mengecualikan keluaran plat keluli gulungan panas yang akan digunakan dalam industri elektrik dan elektronik, dan industri automotif dan yang akan digunakan dalam aplikasi dandang dan bejana tekanan.

Permintaan bagi penyiasatan

1. Permintaan itu telah dibuat oleh—

JI KANG DIMENSI SDN BHD

Lot 69-71, Kawasan Perindustrian Gebeng
26100 Kuantan, Pahang

sebagai pengeluar dalam negeri produk itu.

Keluaran

2. Keluaran di bawah penyiasatan ialah keluaran itu yang dikelaskan di bawah Nombor Kod Sistem yang Diharmonikan (Kod H.S.) 7208.51.000, 7208.52.000, 7225.40.000, dan Tatanama Tarif Berharmonis ASEAN (AHTN) 7208.51.0000, 7208.52.0000, 7225.40.9000. Nombor Kod H.S. dan AHTN ini diberikan hanya untuk makluman dan tidak mempunyai kesan mengikat terhadap pengelasan keluaran itu.

Ringkasan peningkatan import keluaran yang disiasat

Import (Kepingan)	2011	2012	2013
	(Tan Metrik)		
	257,591	292,238	367,172

3. Import keluaran itu ke dalam Malaysia telah meningkat 13.45% daripada 257,591 tan metrik pada 2011 kepada 292,238 tan metrik pada 2012. Sebagai tambahan, import keluaran itu telah meningkat 25.64% pada 2013.

Ringkasan faktor bagi kemudaratan yang serius

4. Mengenai aspek kemudaratan yang serius, dokumen yang telah dikemukakan oleh pempetisyen telah menunjukkan bahawa kenaikan import keluaran itu telah menyebabkan kemudaratan yang serius sebagaimana yang ditunjukkan melalui penurunan bahagian pasaran, pengeluaran, jualan, penggunaan kapasiti, produktiviti dan keberuntungan.

Tatacara

5. (1) Setelah menentukan bahawa wujudnya keterangan yang mencukupi untuk mewajarkan suatu penyiasatan bagi penentuan langkah perlindungan mengenai import keluaran itu ke dalam Malaysia, Kerajaan memulakan penyiasatan menurut subseksyen 14(1) Akta pada 18 Ogos 2014.

(2) Penyiasatan itu akan menentukan sama ada terdapat kemudaratannya yang serius disebabkan oleh peningkatan import keluaran itu ke dalam Malaysia. Penyiasatan itu juga akan meneliti keperluan bagi langkah perlindungan mengenai import keluaran itu ke dalam Malaysia.

Soal selidik

6. Bagi mendapatkan maklumat yang disifatkan perlu bagi penyiasatannya, Kerajaan akan mengagihkan soal selidik kepada pihak berkepentingan. Jika perlu, pihak berkepentingan itu boleh memohon bagi suatu salinan soal selidik itu dengan mengenal pasti jenis aktiviti perniagaan mereka berhubung dengan penyiasatan ini.

Pengumpulan maklumat

7. Semua pihak berkepentingan diundang untuk memberikan pandangan mereka secara bertulis, khususnya dengan menjawab soal selidik yang dialamatkan kepada mereka dan dengan mengemukakan keterangan menyokong.

Had masa

8. (1) Mana-mana pihak berkepentingan yang ingin meminta sesuatu soal selidik hendaklah berbuat demikian tidak lewat daripada lima belas hari selepas penyiaran notis ini dalam *Warta*.

(2) Semua pihak berkepentingan mestilah mengemukakan pandangan mereka secara bertulis dan mengemukakan jawapan bagi soal selidik dalam masa tiga puluh hari dari tarikh penyiaran notis ini jika pandangan dan pengemukakan itu hendak diambil kira semasa penyiasatan, kecuali dinyatakan sebaliknya.